

Oqaluuserisassat pillugit nassuiaat.

(Inatsisartut Siulittaasoqarfiat)

Inuussutissarsiornermut Ataatsimiititaliaq qinnuteqarpoq oqaluuserisassani imm. 111-p:

Uunga siunnersuut: Inuussutissarsiummik ingerlataqarneq pillugu Inatsisartut inatsisaata (inuussutissarsiummik ingerlataqarnermut inatsit) aappassaaneerne-qarnissaata UPA-2013-mut kinguartinnissaanik.

Immikkoortoq ulluni 22. november aamma 27. november aappassaa-neerneqarlunilu pingajussaaneerneqartussaagalarpoq.

Sanaartornermut Avatangiisinullu Ataatsimiititaliaq qinnuteqarpoq oqaluu-serisassani imm. 55-p:

Namminersornerullutik Oqartussat kommunillu inissiaataannik attartor-tittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaata nr. 12, 19. november 2007-imeersup kingusin-nerpaamik UPA 2013-imi allanngortinneqarnissaanik, Naalakkersuisut peqqune-qarnissaanik aaliangiiffigisassatut siunnersuut. Taamaaliornikkut inissiap attartukkap pisiarissallugu kissaatigineqartup akia niuernermi akigititaasut tunngaviginagit, taamaallaat teknikikkut aningaasatigullu inissiap akia naapertorlugu aalajangersarneqartalersillugu aappassaaneerneqarnissaata kinguartinneqarnissaanik.

Immikkoortoq siunnersuutigineqarpoq ulloq 27. november aappassaa-neerneqassasoq.

Imm. 37:

Inuiaqatigiinni ajornartorsiutinut iluarsisassanut allat aningaasaleeqa-taasinnaanerat paasiniarlugu aningaasaateqarfiit ikiuinaqatigiit allallut kattuffiit ikiuinaqatigiit ujartuiffigineqarsinnaanersut pillugu apeqquteqaat allaavigalugu oqallinnissamik siunnersuut, ulloq 15. november angumerineqanngitsoorpoq.

Siunnersuutigineqarpoq imm. 37 ulloq 20. november taasisitsinerit nunanullu allanut nassuiaat pereerpata oqallisigineqassasoq.

Ullumi ataatsimiinnermi immikkoortut tamakkerlugit oqaluuserineqassapput.

Ullumi ataatsimiinnermi Inatsisartunut ilaasortat Kaali Olsen, Inuit Ataqtigiit amma Kim Kielsen, Siumut aammalu piffisami ullumi novembarip 20-aniit 21-at ilanngullugu Justus Hansen, Demokraatit aamma Aleqa Hammond, Siumut kiisalu Knud Kristiansen, Atassut aamma Hans Aronsen, Inuit Ataqtigiit taasisarnerit pillugit isumaqatigiissuteqarput.